



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Sacrorvm Ritvvm Et Caeremoniarvm

Vinitor, Gerlacus

Coloniae Agrippinae, 1656

Caput VII.

urn:nbn:de:hbz:466:1-9459

men non eodem temporis momento nisi in parte duntaxat ecclesiæ, si magna illa fuerit, longissimè ab alijs dissita: unà cum ijs ad Altare accedant, sed vel ad lectionem Evangelij, vel post factam Corporis Christi elevationem, Sacrum inchoabunt. Id ipsum & in Monasterijs fieri exoptamus, ne dum simul plurimi Sacris operantur, decori domus Dei, aut Mysteriorum venerationi & gravitati non nihil decedat, sed omnia ordine, summaque cum honestate & dignitate in Dei Ecclesia peragantur, sic enim sacris Mysterijs major accedet reverentia, populo verò ad Templum quotidie venienti commodior erit Sacri statim audiendi occasio.

C A P U T VII.

locus sacrificii proprius

§. I. **S**ANCTUS Felix primus nominis hujus Papa & Martyr, veruit à quoquam nisi Sacerdote, & nusquam nisi locis Deo consecratis: nisi fortè aliud extrema necessitas exigeret: Missam fieri. Idem ab alijs summis Pontificibus atque Concilijs fuit confirmatum, quibus visum, satius esse, Missam non audiri, quàm hanc loco non sacro celebrari.

c. sicut c. Missarum c. hic ergo c. nullus Presbyter c. non oportet c. Clericos de Consecrat. dist. 1.

In privatis ædibus non sacrificandum

§. 2. Nunc verò quod concedi consuevit desiderijs diuturno morbo laborantium, de Missa in privatis ipsorum ædibus interdum celebranda, paulatim extra fines præscriptos excessit, & in apertum tandem abusum contra sacros Canones degeneravit. Huic occurrit malo Concilium Tridentinum, statuitq; ne quis Secularis aut Regularis Sacerdos privatis in domibus, atque omninò extra ecclesiam, & ad divinum tantummodo cultum dedicata Oratoria, ab Ordinarijs locorum Episcopis designata

ſignata & viſitata, ſanctum Miſſæ ſacrificium peragat.

Concil. Trident. Sess. 22. in decret. de obſerv. & eviſ. in Celebrat. Miſſæ.

§. 3. Quæ ordinatio ut exactius pro rei gravitate obſervetur, ſeveriſſimè inhibemus omnibus & ſingulis Civitatis & Archidiœceſis Noſtræ Abbatibus, Præpoſitis, Archidiaconis, Decanis tam Collegialibus, quàm Ruralibus, Paſtoribus, Vice-paſtoribus, ac Presbyteris tam Secularibus, quàm Regularibus quibuſcunque, etiam quoquo modo exemptis, ne quiſquam ob antiquam quamcunque conſuetudinem, ſtatutum, aut privilegium deinceps dictam Concilij Tridentini ſanctionem transgrediatur; nec in privatis ædibus, aut omninò extra eccleſiam ſeu oratorium divino duntaxat cultui dedicatum, & per Nos vel Noſtrum in Pontificalibus Vicarium Generalem Archiepiſcopali Noſtra auctoritate designatum & viſitatum, ſacroſanctum Miſſæ officium ulla ratione celebret; mandantes pariter cujuſcunque ſtatus, gradus, conditionis, & dignitatis perſonis Secularibus quibuſcunque, ne per aliquos Presbyteros, etiam quomodo- cunque exemptos, ſuis in ædibus Sacrificium Miſſæ aliqua ratione celebrari petant aut patiantur. Si quis autem hoc Decretum Tridentinum & prohibitionem Noſtram violarit, tam Sacrificans, quàm is, qui ipſum ad celebrandum requiſivit, aut in privatis ſuis ædibus admittit, arbitrio Noſtro graviter punietur, Apoſtolico privilegio, quo ei facultas id faciendi indulta erat, neutiquam ſuffragante, niſi illud priùs Nobis aut Generali Noſtro in Pontificalibus Vicario exhibitum, & ab eodem Archiepiſcopali Noſtra auctoritate fuerit ap-

Nullò etiam exemptionis colore

probatum. Pastores interim & Vice-pastores, subditos suos, qui diuturno morbo detenti Ecclesiam adire non possunt, doceant, ut illis suas piè preces jungant, qui corpore præsentibus Divinis intersunt Officijs, & ad excitandam pietatem, observent Divinorum Officiorum tempora, vel campanarum pulsus, quo ea, quæ tempore Missæ in Templis peraguntur, indicantur, & ubi corpore adesse non possunt, corde & pijs orationibus sese præsentibus sistant. Quod dum religiosè faciunt, salutaribus huiusmodi ordinationibus, per quas antiqui Canonnes in usum revocantur, obsequendo, majora veræ pietatis facient incrementa, quam si importunitis precibus Missas intra domesticos parietes celebrandi consensum extorserint.

Suprà part. 2. tit. 1. cap. 2. §. 1. & seq.

C A P U T VIII.

*Calicem
Vasorum sa-
crorum ma-
teria.*

§. I. **C**ALICES Stannei, quorum usum in Missæ sacrificio periculoso hoc bellitèpore non absque dolore Nostro permisimus, simul atque meliora tēpora affulserint, omnino tollantur, eorumque loco, si non aurei, argentei saltem substituantur, aut certè superior eorum pars seu cuppa sit argentea inaurata, maximè ubi non est periculum ab hostibus aut prædonibus: sicubi verò ejusmodi periculum, vel extrema Ecclesiarum pauperies, aliave necessitas stanneos retinere jubet, ij singulis quindecim diebus, vel singulis minimum mensibus diligenter mundentur & defricentur. Calices autem, Patenæ, Pixides, Hierotheca & Ciboria cuprea, vitreave, aut lignea penitus removeantur quia illa ob vini virtutem celerius eruginem, quæ vomitū provocat, contrahunt, hæc fractioni facillimè sunt obnoxia.

v. vasa sunt Calix de consecrat. dist. 1.